



ՎԵՐՈՒՄ ԶԱՐԴԱՐՈՒՄԻ ՄԱՍԻՆ ԵՐԱՆԻՍՏԱՆԻ ԿԱՐԴԻՆԱԼԻՍ ԵՄԻՆԵՆՏԵՆ  
«Յ. ՍԱՂՈՎ - Ս. ՄԵՍԻՍԻԱ» ԵԲՐԱՆԵՐՈՒՄԻ

## ՆԱՅ ԵԿԵՂԵՑՈՒ ԵՐԿՐՈՐԴ ՇՔԱՆՇԱՆԸ ՎԱՐԱԶԴԻԱՏ ՆԱՐՈՒԹՅՈՒՆՅԱՆԻՆ

(Անվանի ճարտարապետին հանձնվեց «Ս. Սահակ-Ս. Մեսրոպ» շքանշան)

Փետրվարի 11-ին Մայր Աթոռ Ս. Էջմիածնում Ն.Ս.Օ.Տ.Տ. Գարեգին Բ Ամենայն հայոց Կաթողիկոսը հայաստանյայց Առաքելական Եկեղեցու «Ս. Սահակ-Ս. Մեսրոպ» շքանշանը հանձնեց մեծանուն ճարտարապետ, ակադեմիկոս Վարազդադ Հարությունյանին:

Այս առիթով Վեհարանի դահլիճում Կրեմլի ունեցավ հանդիսություն, որին ներկա էին Մայր Աթոռ Ս. Էջմիածնի միաբաններ, Գերագույն հոգևոր Խորհրդի անդամներ, գիտության և մշակույթի անվանի գործիչներ: Ներկայացվեց անվանի ճարտարապետի երկարամյա գործունեությունն ու եկեղեցականասար ծառայությունը, հնչեցին շնորհավորանքի և գնահատական խոսքեր, գեղարվեստական հայտագրով հանդես եկավ Մայր Աթոռի Զրիստոնեսական դաստիարակության կենտրոնի «Նավասարդ» երգչախումբը:

«Ձեր վաստակը մեծ է, և այդ վաստակը պարծանք է յուրաքանչյուր հայորդու համար», - շնորհավորելով անվանի ճարտարապետին՝ ասաց Վեհափառ Հայրապետը:

Վարազդադ Հարությունյանը, լինելով հայկական ճարտարապետական հուշարձանների պահպանության նվիրյալ, կարևոր ներդրում ունի եկեղեցական շինությունների պահպանության և վերանորոգության գործում: Նրա անմիջական ղեկավարությամբ վերանորոգվել են հինգ տասնյակից ավելի վանական համալիրներ, որոնց թվում Մայր Աթոռ Սուրբ Էջմիածինը, Սուրբ Հռիփսիմեն, Սուրբ Գայանեն, Գեղարդը, Խոր Վիրապը և մի շարք այլ վանքեր ու եկեղեցիներ:

«Ս. Սահակ-Ս. Մեսրոպ» շքանշանը հայ Եկեղեցու երկրորդ պարգևն է անվանի ճարտարապետին: Եկեղեցանվեր գործունեության համար Վ. Հարությունյանը նախկինում պարգևատրվել է նաև հայ Եկեղեցու բարձրագույն՝ «Ս. Գրիգոր Լուսավորիչ» շքանշանով:

94-ամյա ճարտարապետը լի է ավյունով և կրկին կարողանում է ունկնդիրներին հաճելիորեն զարմացնել հայ երգի գեղեցիկ իր կատարումներով:

ՄԱՅՐ ԱԹՐՈՒ Ս. ԷԶՄԻԱՇԽ  
ՏԵՂԵԿԱՏՎԱԿԱՆ ՆԱՄԱԿԱՐԳ

